


**ТАСДИҚЛАЙМАН”**  
**Божхона органлари ҳузуридаги**  
**жамоатчилик кенгаши Раиси**

 **Д.Қудриддинов**

**14 ноябрь 2024 йил**

**Божхона хизмати органлари**  
**ҳузуридаги жамоатчилик кенгаши мажлисининг**

**6-сонли Баёни**

**14 ноябрь 2024 йил.**

**Тошкент шаҳри**

**Раислик қилувчи:** Жамоатчилик кенгаши раиси **Д.Қудриддинов**

**Қатнашдилар:** Жамоатчилик кенгаши аъзолари  
**И.Ачилов, С.Алимбаев, З.Исматуллаева,**  
**С.Исмаилова, Ш.Низамов, Ҳ.Тангриев,**  
**Э.Раззаков, Б.Турсунов.**

**Таклиф қилинганлар:** Жамоатчилик ва оммавий ахборот  
воситалари билан алоқалар бўлими ходими **Ж.Караматов.**  
**Мутахассислар:** **Г..Комилова, Ф.Набераев, Ф.Разыков, Э.Хакимов.**

**КУН ТАРТИБИ:**

**1.Божхона органлари ҳузуридаги Жамоатчилик кенгаши томонидан Самарқанд вилояти божхона бошқармасининг “Самарқанд” ҳамда “Улуғбек” ТИФ ташқи иқтисодий фаолият божхона фаолиятини таҳлилий ўрганиш якунлари ҳақида.**

**2.Божхона органлари ҳузуридаги Жамоатчилик кенгаши томонидан Самарқанд вилояти божхона бошқармасининг “Самарқанд” ҳамда “Улуғбек” ТИФ ташқи иқтисодий фаолият божхона постлари фаолиятида аниқланган камчиликларни бартараф этиш бўйича Кенгашнинг Таклиф ва тавсиялари ҳақида.**

**Кун тартибидаги биринчи масала юзасидан Жамоатчилик кенгаши раис ўринбосари И.Ачилов ахбороти тингланди.**

**Ахборот берувчи қуйидагиларга тўхталди.**

**Жамоатчилик кенгашининг Низоми ва иш режасига асосан тузилган ҳамда Божхона қўмитаси Раиси билан келишилган саволномага**

мувофиқ, жорий йилнинг 31 октябрь - 2 ноябрь кунлари Самарқанд вилояти божхона бошқармасининг "Самарқанд" ҳамда "Улугбек" ТИФ божхона постлари фаолияти таҳлилий ўрганиб чиқилди.

Мазкур божхона постлари (кейинги ўринларда пост) ажратилган штат бирлиги билан тўлиқ жамланган. Фаолиятни самарали ташкил этиш бўйича ходимларга етарли шарт-шароитлар яратилган.

Постлар ҳудудининг ободончилиги, хизмат хоналарининг санитария ва гигиена ҳолати, ходимларнинг хизмат кийим-бош кийиш ва хизмат интизомида камчиликлар аниқланмади.

Жумладан, ҳар бир ходимга давр талабларига мос мебель ва техник воситалар ажратилган, ходимларнинг касбий ва маънавий ўсишига, тўлақонли дам олишига, овқатланиш ва шахсий гигиена қоидаларига риоя этишлари учун барча шароитлар яратилганлиги маълум бўлди.

Божхона назоратининг техник воситаларининг мавжудлиги ва ундан фойдаланиш ҳолати ўрганилганда, техник воситалари соз ва ишчи ҳолатда эканлиги, ходимлар томонидан самарали фойдаланилиб келинаётганлиги кузатилди.

Шу билан бирга, ҳар бир ходимга мобил планшет бириктирилган бўлиб, божхона кўриклари учун сарф этилаётган вақтнинг сезиларли даражада қисқартирилишига эришилганлиги ва кўрикларни божхона постига бормаган ҳолда расмийлаштирилишига имкониятлар яратилганлиги аниқланди.

Тадбиркорлик субъектларининг божхона органларига бормасдан, электрон мурожаат қилган ҳолда товарларни божхона расмийлаштирувини амалга оширилиши йўлга қўйилган.

Божхона кўриги ААТ дастури маълумотларига кўра, постлар томонидан 2024 йилнинг ўтган даври мобайнида **жами 14297 та** божхона кўриклари амалга оширилган бўлиб, товар-транспорт воситаларини божхона кўригини ўтказиш ва расмийлаштирувини амалга ошириш учун ўртача сарфланган вақт **1 соат 13 дақиқани** ташкил этилганлиги маълум бўлди.

Постларда коррупция ва тамагирликни олдини олиш борасида бошқарманинг шахсий хавфсизлик хизмати ходимлари томонидан ходимлар билан индивидуал ва умумий профилактик тадбирлар ўтказилган.

Танлов асосида ходимлар билан ўтказилган суҳбат давомида, уларининг божхона ишини тартибга солувчи норматив-ҳуқуқий ҳужжатларни амалиётда тўғри қўллаётганликлари маълум бўлди.

Постларда ойлик ўқув машғулотлар режаси ишлаб чиқилган ва мавзулар ходимларга бириктирилган. Мазкур режа асосида ҳафтанинг душанба ва жума кунлари дарс машғулотлари ўтказилиши ташкил этилган.

Тошкент шаҳар божхона бошқармасининг ТИФ постларини ўрганиш давомида аниқланган айрим камчиликлар юқоридаги постларда ҳам мавжуд.

Жумладан:

– постларда ходимларнинг ўткир ҳидли ва заҳарли кимёвий моддаларни кўздан кечиришлари учун шахсий ҳимоя воситалари билан (*респиратор ва ҳимоя қўлқоплари*) таъминланмаган;

– божхона омборлари 5 км.дан 20 км.гача масофада жойлашганлиги сабабли ходимларнинг кўп вақти йўлга сарф этилмоқда.

-ходимларнинг оила аъзолари билан кино, театр, музей ва тарихий обидаларга боришлари талаб даражасида эмас.

Ўрганиш давомида жиддий бўлмаган баъзи камчиликлар жойида бартараф этилиб, айрим пост ходимларига божхона қонунчилигини амалиётда тўғри қўллаш бўйича тегишли тавсиялар берилди.

(*Маълумотнома илова қилинади*).

Таҳлилий ўрганиш бўйича маълумотномани Божхона қўмитаси раҳбариятига тақдим этишни таклиф қиламан деди маърузачи.

Мажлис иштирокчиларидан, Г.Комилова,, С.Исмаилова, Ш.Низамов, Э.Раззаков ушбу масала юзасидан ўз фикр ва мулоҳазаларини билдириб, таҳлилий ўрганиш бўйича тайёрланган Маълумотномани маъқуладилар.

### **М А Ж Л И С   Қ А Р О Р   Қ И Л А Д И:**

1.Жамоатчилик кенгаши Раис ўринбосари И.Ачиловнинг **Жамоатчилик кенгашининг Низоми ва иш режасига асосан тузилган ҳамда Божхона қўмитаси Раиси** билан келишилган саволномага мувофиқ, жорий йилнинг 31 октябрь - 2 ноябрь кунлари Самарқанд вилояти божхона бошқармасининг **”Самарқанд” ҳамда “Улуғбек” ТИФ божхона постлари** фаолияти таҳлилий ўрганиб чиқилганлиги ҳақидаги ахбороти маълумот учун қабул қилинсин.

2.Таҳлилий ўрганиш натижаси бўйича тайёрланган Маълумотнома маъқуллансин (*илова қилинади*) ва Божхона қўмитаси раҳбариятига тақдим этилсин.

3.Таҳлилий ўрганиш натижаси бўйича тайёрланган Маълумотнома Самарқанд вилояти божхона бошқармасига юборилсин.

**Кун тартибидаги иккинчи масала юзасидан Жамоатчилик кенгаши аъзоси Б.Турсунов ахбороти тингланди.**

**Ахборот берувчи қуйидагиларга тўхталди.**

1.Жамоатчилик кенгаши томонидан жорий йилнинг 31 октябрь - 2 ноябрь кунлари Самарқанд вилояти божхона бошқармасининг **”Самарқанд” ҳамда “Улуғбек” ТИФ** ташқи иқтисодий фаолият божхона постлари фаолияти таҳлилий ўрганиб чиқилганда баъзи бир камчилик ва муаммолар аниқланди. Ушбу камчилик ва муаммоларни бартараф этиш, постлар фаолиятини яхшилаш, олиб борилаётган ишлар самарадорлигини ошириш мақсадида Божхона қўмитаси раҳбариятига тақдим этиладиган Кенгашнинг қуйидаги Таклиф ва тавсиялари ишлаб чиқилди.

Ахборот берувчи мажлис иштирокчиларини жамоатчилик кенгашининг Таклиф ва тавсиялари билан таништирди. *(илова қилинади)*

Мажлис иштирокчилари ушбу масала юзасидан ўз фикр ва мулоҳазаларини билдириб жамоатчилик кенгашининг Таклиф ва тавсияларини маъқуладилар.

### **М А Ж Л И С Қ А Р О Р Қ И Л А Д И:**

1. Жамоатчилик кенгаши томонидан Самарқанд вилояти божхона бошқармасининг “Самарқанд” ҳамда “Улуғбек” (ТИФ) ташқи иқтисодий фаолият божхона постларида аниқланган камчиликларни бартараф этиш, постлар фаолиятини яхшилаш бўйича олиб борилаётган ишлар самарадорлигини ошириш мақсадида ишлаб чиқилган Таклиф ва тавсиялар маъқуллансин.

2. Жамоатчилик кенгашининг Таклиф ва тавсиялари Божхона қўмитаси раҳбариятига тақдим этилсин.

3. Жамоатчилик кенгашининг Таклиф ва тавсиялари Самарқанд вилояти божхона бошқармасига юборилсин.

4. Жамоатчилик кенгаши котиби (А.Заирова), кенгаш аъзоси Б.Турсунов)га ушбу қарор ижросини таъминлаш юклатилсин.

**Жамоатчилик Кенгаши котиби**

**А.Заирова**